

ZLATKO MILETIĆ
Dom naroda Parlamentarne skupštine BiH
Klub Hrvata

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

Sarajevo, 08.02.2021. godine

PRIMLJENO: 08-02-2021			
Organizaciona jedinica	Klasifikaciona oznaka	Rebri broj	Broj priloga
02	50-6	345	1/21

PARLAMENTARNA SKUPŠTINA BIH
DOM NARODA
n/r: g. Nikola Špirić, predsjedatelj

Na osnovu člana/članka 9. Poslovnika o radu Doma naroda Parlamentarne skupštine Bosne i Hercegovine („Službeni glasnik BiH“, br.58/14, 88/15 i 96/15) dostavljam:

INICIJATIVU

Sagledavajući ukupno stanje u BiH i zalaganje svih zdravstvenih radnika u sprečavanju posljedica izazvanih pandemijom COVID 19 posebno sa aspekta uvjeta pod kojim rade osobe zaposlene u zdravstvu a imajući u vidu moguće posljedice generalnog štrajka (zakonit štrajk od 22.12.2020.g.) zdravstvenih radnika na području Hercegovačko-neretvanskog Kantona po stanovništvo istog, uzrokovanih ne marom i ne brigom Vlade HNK i resornog Ministarstva zdravstva, rada i socijalne zaštite, ne potpisivanjem već godinu i pol dana Kolektivnog ugovora sa Sindikatom zdravstvenih djelatnika HNK, zahtjevam da se pod **hitno** izjednači status zdravstvenih radnika u HNK sa statusom istih radnika u drugim kantonima u Federaciji prevashodno Kantonu Sarajevo te na taj način stvore normalni uvjeti za rad zdravstvenih radnika ali i kvalitetna zdravstvena zaštita stanovništva.

Također, zahtjevam od Vlade HNK da ukoliko neće, ne želi, ili ne može da potpiše navedeni Kolektivni ugovor iz bilo kojih razloga, da me obavijeste o razlozima s obzirom da se radi o očiglednoj diskriminaciji zdravstvenih radnika u HNK, kako bih mogao u skladu sa svojim ovlastima poduzeti druge mjere zaštite istih putem nadležnih institucija.

Ovu priliku želim da iskoristim da javno čestitam svim zdravstvenim radnicima u čitavoj BiH na nesebičnom zalaganju i nad ljudskim naporima koje ulažu da pomognu bosanskohercegovačkom stanovništvu u borbi protiv pandemije COVID 19.

Inicijativu dostavljam u skladu sa članom/člankom 15. Zakona o ministarstvima i drugim tijelima uprave Bosne i Hercegovine („Službeni glasnik BiH“, broj 5/03, 42/03, 26/04, 42/04, 45/06 i 88/07, 35/09, 103/09, 87/12, 6/13 i 19/16) Ministarstvu civilnih poslova BiH.

S poštovanjem,

ZLATKO MILETIĆ